

হিনবান্ন বিবাহ

হওয়া উচিত কি, না ?

"With social sympathy, though not allied,
Is of more worth than a thousand kinsmen."

Euripides—Orestes, 805 (Ramage, 133.)

মহারাজ-কুমার শৈলেন্দ্রকৃষ্ণ দেব

প্রণীত ।

**

এই পুস্তিকা—৯ নং ওল্ড পোস্ট অফিস স্ট্রীট, অথবা

২৫নং শ্যামপুকুর স্ট্রীট প্রলিক্টি।

শ্রীযুক্ত কুমার অরবিন্দকৃষ্ণ দেবের নিকট পাইবেন।

১৯১০

[All rights reserved.]

শ্রীযুক্ত

হিনবান্ন বিবাহ

হওয়া উচিত কি, না ?

"With social sympathy, though not allied,
Is of more worth than a thousand kinsmen."

Euripides—Orestes, 805 (Ramage, 133.)

মহারাজ-কুমার শৈলেন্দ্রকৃষ্ণ দেব

প্রণীত ।

**

এই পুস্তিকা—৯ নং ওল্ড পোস্ট অফিস স্ট্রীট, অথবা

২৫নং শ্যামপুকুর স্ট্রীট প্রলিক্টি।

শ্রীযুক্ত কুমার অরবিন্দকৃষ্ণ দেবের নিকট পাইবেন।

১৯১০

[All rights reserved.]

শ্রীযুক্ত



Printed & Published by
B. B. Chakraborty at the "Hitabadi" Press,
70, Colootola Street, CALCUTTA.

ভূমিকা ।

"With social sympathy, though not aided,
Is of more worth than a thousand kinsmen"

Euripides Orestes, 802 (Dr Ramage. 133)

অর্থাৎ সামাজিক সমবেদনা, যদিও সন্ধিসহিত মিত্র নহে—সহস্র
জাতি অপেক্ষা অধিকতর মূল্যবান ।

ইউরিপিডিজ্ ওরেস্টেস্ ৮০৫

বিগত ১৯১০ সালের ৬ই আগষ্ট তারিখে কলিকাতার ওভারটুন
কনভেনশন-বিবাহ-মৌমাংসার্থ একটি মহাসভা হইয়াছিল । ৬মহারাজা
বাহাদুর শাহী নরেন্দ্রকৃষ্ণ দেব কে, সি, আই, ইর পুত্র ও ৬রাজা
শ্রীরামকান্ত দেব বাহাদুর কে, সি, এস, আই, এর ভ্রাতৃপুত্র
মহারাজ কুমার শৈলেন্দ্রকৃষ্ণ দেব সেই সভায় সভাপতি হইয়াছিলেন ।
সভাপতি মহাশয় বক্তৃতাতে বলেন, "আজ আমরা এই পবিত্র মন্দিরে
সমবেত হইয়াছি, ইহা অতি আশ্চর্য্যের বিষয় । আমরা সকলে
দেখিতেছি, এই গৃহভাঙ্গরের প্রবেশদ্বারের উপর লিখিত দৃষ্টান্ত
যে, "প্রার্থনা-শক্তি দ্বারা ক্রীত" । আমাদের উত্তম সম্মল করিতে
হইলে সর্বপ্রথমে জগদীশ্বরের সাহায্য প্রার্থনীয় । যতপি এই গৃহ
প্রার্থনাশক্তি দ্বারা ক্রয় হইতে পারে, তবে আমরাও সর্বান্তঃকরণে
তাঁহার নিকট প্রার্থনা করিলে, আশী হই, তিনি আমাদের এই দুঃখ
প্রশ্না প্রত্যাহ্বন করবার পবিত্র উদ্দেশ্যে, আশীর্বাদ করিবেন ।
জগদীশ্বরকে জানিতে হইলে প্রথম বিনয় নিম্ন করিতে হয় ।

আপনারা জিজ্ঞাসা করিতে পারেন, উহা কিরূপে উপলব্ধি হইবে।
 আমাদের দুর্বলতা ও ক্ষুদ্রতা হৃদয়ে সম্যক্ ধারণা করা চাই।
 আমাদের ক্ষমতা, জ্ঞান ও ওজস্বিতার সঙ্কীর্ণতা অনুভব করা চাই।
 আমাদের ইহাও অনুভব করা আবশ্যক যে, আমরা আমাদের
 অপেক্ষা অধিকতর প্রবল শক্তি দ্বারা চতুর্দিকে বেষ্টিত হইয়া আছি।
 আমরা পীড়িত হইলে নীরোগ হইবার ইচ্ছা করি, কিন্তু আরোগ্য
 আমাদের আজ্ঞায় তো আসে না। গ্রীষ্মকালে আমরা উষ্ণতা অনুভব
 করি। তখন ইচ্ছা হয় যে, প্রাতঃকালের শুশীতল সমীরণ বহুক,
 কিন্তু তাহা তো আমরা পাই না। শীতকালে অত্যধিক শীতে যখন
 আমাদের কষ্ট হয়, তখন আমরা গ্রীষ্মকালের নাতি-শীতোষ্ণতা
 অভিলাষ করি, কিন্তু কই, আমরা তো তাহা পাই না। যद्यপি
 আমরা হৃদয়ের এই ভাবের দ্বারা চালিত হইতাম, তাহা হইলে
 আমরা সহজেই নৈরাশ্রের বশবর্তী হইতাম। কিন্তু আমরা বুঝিতে
 পারি যে, অনিবার্য শক্তি আমাদের বিরুদ্ধাচরণ করে না।
 অলৌকিক বস্তুর সহিত আমরা একসম্বন্ধ আনিতে পারি এবং
 জগদীশ্বরের বিশেষ লক্ষণ হৃদয়ঙ্গম করিতে পারি যে, তিনি স্রষ্-
 টার ও স্নেহের ঈশ্বর।

কর্তৃগণকে আহ্বান করিবার পূর্বে আপনাদিগকে সর্ব প্রথমে
 হৃদয়ঙ্গম করাইতে চাই যে, আপনারা নিন্দা, ক্রোধ ও মিথ্যা
 পরিত্যাগ করুন। আপনারা জিজ্ঞাসা করিতে পারেন, এই বিস্ম-
 তর্ক করিতে মিথ্যা কি হইতে পারে? তাহাই মিথ্যা উক্তি—যিনি
 বিধবারা পুনর্বিবাহ করিতে অনিচ্ছুক অথবা তাহারা সকলেই
 বিবাহ করিতে ইচ্ছুক; এবং বৈধব্য দশা দীর্ঘ নতাবস্থা ও সেবা
 অথবা বৈধব্য দশায় কল্পিত কুৎসিতাচরণ বর্ণনা করিলেই হিন্দু

পরিবারের মূর্তি প্রদর্শিত হইল। অর্থাৎ একটি সুন্দর অথবা সুসংস্কৃত চিত্র অঙ্কিত করিয়া তাহাকে রক্তমাংসে গঠিত মানুষ্য করা। এই সকল মিথ্যা বর্ণনা যদিও রাজবিদ্বেষ বা মানহানির মধ্যে না আসে, যদিও তাহা আইনে দণ্ডনীয় নহে, তথাপি মিথ্যা ~~বর্ণনা~~ ~~করা~~ শাস্তি হইতে অব্যাহতি নাই। তাহার ফলস্বরূপ পর সর্বজ্ঞ জগদীশ্বর তাহার বিচার করেন এবং উহাকে যাহা শাস্তি দেওয়া হয়, তাহা রামায়ণ উক্তর কাণ্ডে যম-রাবণের যুদ্ধে বর্ণিত আছে।

আপনারা অনেকেই পাঠ করিয়াছেন যে, মহাত্মা যীশুখৃষ্ট গর্দভ পৃষ্ঠে জয়োল্লাসের সহিত জেরুজেলাম সহরে প্রবেশ করিয়াছিলেন এবং যে মুসলমান মক্কাতে তীর্থ করিতে যান তিনি হাজি উপাধি প্রাপ্ত হন। একজন প্রসিদ্ধ পারস্য-কবি উপরিউক্ত ঘটনাকে ভিত্তি করিয়া একটি সুন্দর কবিতা লিখিয়াছেন যে, যত্বপি যীশুখৃষ্টের গর্দভ মক্কায় যায়, তবে সে হাজি হয় না গর্দভই থাকে। কোন ব্যক্তিবিশেষ কোন চতুষ্পাঠীতে বা বিদ্যালয়ে পাঠ করিলে অথবা ~~সমৃদ্ধি~~ ~~উপার্জন~~ লাভ করিলেই তেজস্বিতা বা কাণ্ডজ্ঞান লাভ করে না। সে জ্ঞান ঈশ্বরদত্ত, পাঠ দ্বারা উপার্জিত হইতে পারে না। সেটি প্রার্থনা-শক্তিতেই অর্জিত হয়। যীশুখৃষ্টের গর্দভের স্থায় সে যাহা ছিল তাহাই থাকে।

আমরা ~~বুদ্ধিভর~~ ~~প্রজা~~ বলিয়া পরিচয় দিই। যদি ইহা মোখিক হয়, আশাদিগের স্মরণ করা উচিত যে, আমাদের দেশের রাজা ~~১৮৫৬~~ ~~সালের ১৫~~ আইন বিধিবদ্ধ করিয়াছেন—যে আইনটিকে হিন্দু বিধবাবিবাহ সঙ্ঘক্ষীয় আইন বলে। আইন জারি হইবার ~~পূর্বে~~ ~~তৎসম্বন্ধে~~ ~~উক~~ ~~বতক~~ ~~বেধ~~ ~~হইয়াছিল~~। কিন্তু যখন আমাদের রাজা সকল প্রকার আপত্তি বিবেচনা করণানন্তর দেশে এই আইন প্রচলিত

করিয়াছেন, তখন বিধবাবিধবাদের অভিভাবকদিগকে সামাজিক পীড়নের ভয় দেখাইয়া তাহাতে তাহারা ঐ আইন আনুষ্ঠানিক কার্য না করিতে পারে, এই প্রকার প্রতিকূলচরণ কার্য করা কি এক প্রকার রাজ-
~~দ্রোহিতা~~ নহে? যদিচ একপ বিকূলচরণ দণ্ডনীয় নহে, তথাপি আমাদের দেশের রাজার ত আইনে প্রকাশিত হইয়াছে। আমরা রাজভক্ত প্রজা, সেই মতের বিরুদ্ধে কোন কার্য বা বক্তৃতা করা আমাদের কর্তব্য নহে।

একজন বিধবাবিবাহের পক্ষপাতী উচ্চ পদস্থ ভদ্রলোক—যিনি তাহার দৃঢ় বিশ্বাস অনুযায়ী কার্য করিয়াছেন এবং যাহাকে তজ্জন্য বিশেষরূপে একঘরে করিবার চেষ্টা করিতেছেন, তিনি—আমাদিগকে একখানি পত্র লিখিয়াছেন। তাহাতে তাহার অপকারী ব্যক্তিদিগের প্রতি ক্ষেহ ও মার্জনা প্রকাশ করিয়া তিনি ঈশ্বরের কাছে প্রার্থনা করিতেছেন যে, পিতা তাহাদিগকে মার্জনা করুন, কারণ তাহারা কি কার্য করিতেছে তাহা বুঝিতে পারিতেছে না।

২৫ নং শ্রীমপুকুর স্ট্রীট,
 কলিকাতা।
 সন ১৯১০ তাং ১২ই আগষ্ট।

}

গ্রন্থকার।



বিধবার বিবাহ

হওয়া উচিত কি, না ?

“Those who say ‘Change nothing !’ are champions of slavery. Those who say ‘Let your fetters fall !’ are champions of liberty”—D ‘Aubignes’ History of the Reformation in the Sixteenth century Book II, Chapter X.

অর্থাৎ যাহারা বলেন কিছুই পরিবর্তন করিও না, তাঁহারা
লাস্যের পক্ষপাতী। যাহারা বলেন তোমাদের বেড়ী পতিত হইতে
দাও, তাঁহারা মুক্তির পক্ষপাতী।

ডি অভিনেব ধর্মসংস্কারের ইতিহাস।

আজ কাল হিন্দু সমাজে বিধবা-বিবাহ বিষয়ে আলোচনা হইতেছে।
লেখক এ বিষয়ে নিজের কোন মত প্রকাশ না করিয়া পাঠকদিগের
বিবেচনার জন্ত নিম্নলিখিত তর্ক বিতর্ক সঙ্কলন করিয়াছেন।

বিপক্ষী। আপনারা সনাতন হিন্দু ধর্ম্যে গোলযোগ উপস্থিত
করিচ্ছেন।

স্বপক্ষ। সনাতন হিন্দু ধর্ম্য মহর্ষি মনুর সংহিতাতে হিন্দু নারীদিগের
স্বত্বের ব্যবহার সম্বন্ধে (পঞ্চম অধ্যায়ের ১৪৭ শ্লোকে)
লিখিয়াছেন যে, “স্ত্রীলোক বাল্যে পিতার বশে, যৌবনে
পতির বশে, স্বামী মরিয়া গেলে পুত্রের তত্ত্বাবধানে থাকিবে ;
কখনও স্বাধীন ভাবে অবস্থান করিবে না।” এবং কুল্লুক ভট্ট
তাহার টীকা করেন যে, শৈশবে পিতার, যৌবনে পতির ও বৃদ্ধ
কালে স্বামীর অবর্ত্তমানে পুত্রের তত্ত্বাবধানে থাকিবে। যতপি
তাহার সম্মান না থাকে, তবে তাহার স্বামীর জ্ঞাতির নিকট
থাকিবে। স্বামীর জ্ঞাতি না থাকিলে তাহার পিতার
নিকট থাকিবে। পিতৃজ্ঞাতি না থাকিলে সন্ত্রাটের
তত্ত্বাবধানে থাকিবে। কিন্তু আমরা কার্য্যতঃ কি দেখিতে
পাই? যদি স্বামীর এজমালী সম্পত্তির উত্তরাধিকারিণী
স্ত্রী হয়, অনেক স্থলে সেই সম্পত্তি বিষময় হইয়া মামলা
মোকদ্দমার হেতু হয়। আর মোকদ্দমার খরচায় উভয় পক্ষ
সর্বস্বান্ত হয়। তখন সেই সনাতন ধর্ম্মের মাহাত্ম্য কে
প্রচার করে?

বি। আপনারা কি বলিতে চান, বিধবাদিগের শ্রিত্ব কলুষিত
হয়?

স্ব। তাহা বলি না। তবে, বিধবাদিগের ইন্দ্রিয়-ভোগাভিলাষ
পরিভূত হয় না।

বি। বিধবাদিগের আহাঙ্গ্যের প্রকৃপ বন্দোবস্ত করা হয়, যাহাতে
ভোগাভিলাষ উদ্ভিক্ত হইতে পারে না।

২। তাহারা অন্ন ব্যঞ্জন ফল দুগ্ধাদি আহার করে ও তদ্বারা 'নাই-ট্রোজেন' উৎপন্ন হয় ও শরীরের আভ্যন্তরিক সমস্ত যন্ত্রের কার্য্য স্বাভাবিক চলিতে থাকে। সে স্থলে যে, ভোগাভিলাষের উদ্বেগ হয় না, তাহা কিরূপে বলা যাইতে পারে? :

বিশ্বকোষের গ্রন্থকর্তা বৈদ্যবোম্বাই আদর্শ সতীত্ব ও ভক্তির বর্ণনা হিন্দুদিগের ধর্ম্মশাস্ত্র হইতে উদ্ধৃত করিয়া বিশ্বকোষের অষ্টমভাগ ৬০২ ও ৬০৩ পৃষ্ঠায় লিখিয়াছেন "বিধবার কবরী-বন্ধন পতির বন্ধনের কারণ। এই জন্ত বিধবা সর্বদা মস্তক মুগ্ধন করিয়া রাখিবে। বিধবা অহোরাত্রের মধ্যে কেবল একবার ভোজন করিবে, দুইবার আহার করিবে না। ত্রিরাত্র, পঞ্চরাত্র বা পঞ্চত্রত অবলম্বন বা মাসোপবাসত্রত, চান্দ্রায়ণ, কৃচ্ছ্রচান্দ্রায়ণ, পরাকত্রত কিংবা তপ্তকৃচ্ছ্রত্রত আচরণ করিবে। যতদিন জীবিত থাকিবে, ততদিন ঘবান্ন, ফল বা শাক আহার বা জলমাত্র পান করিয়া দেহঘাতা নিকাহ করিবে। বিধবা নারী পর্য্যঙ্কে শয়ন করিলে পতিকে অধঃপাতিত করা হয়, এই জন্ত তাহাকে পতির সুখাভিলাষে ভূমিতে শয়ন করিতে হইবে। বিধবা কখন অঙ্গে উদ্বর্ত্তন লেপন এবং গন্ধদ্রব্য ব্যবহার করিবে না। প্রতিদিন পতি ও তাহার পিতা এবং পিতৃমহত্মক উদ্দেশে তাহাদের নাম ও গোত্র উচ্চারণ করিয়া কুশ ও তিলোদকেবু দ্বারা তর্পণ করিবে এবং পতিবুদ্ধিতে বিষ্ণুর পূজা করিবে। সর্বদ্যাপক বিষ্ণুকে সতত পতিরূপে ধ্যান করিবে। পতি জীবিতাবস্থায় যে সকল দ্রব্য ভাল বাসিতেন, সেই সকল দ্রব্য সদ্ভ্রাতৃগণকে সর্বদা দান করিতে হইবে। বৈশাখ, কার্ত্তিক ও মাঘ মাসে বিশেষ নিম্ন অবলম্বন করা বিধেয়।

দান, তীর্থযাত্রা এবং বারংবার বিষ্ণুর নামস্মরণ, বৈশাখ মাসে জলস্নান, কার্তিকমাসে দেবস্থানে ঘৃতপ্রদীপ দান এবং মাঘমাসে ধান ও তিল উৎসর্গ। এই সকল বিধবার অবশ্য কর্তব্য। ইহা ভিন্ন বিধবা বৈশাখ মাসে জলস্নান, দেবতার উপর জলধারা, পাড়কা, ব্যজন, ছত্র, স্তম্ভ বিদ্য, কর্পূরমিশ্রিত চন্দন, তাম্বুল, সুগন্ধি-পুষ্প, অনেক প্রকার জলপাত্র, পুষ্পপাত্র, নানাবিধ পানীয় দ্রব্য এবং দ্রাক্ষা ও রস্তু প্রভৃতি ফল পতির প্রীতিকামনায় সদব্রাহ্মণ সমূহকে দান করিবে।

কার্তিকমাসে যবান্ন বা একবিধ অন্ন আহার করিবে, বৃন্তাক ও শুকশিখী (বরবটী) ভোজন করিবে না। এই মাসে তৈল, মধু ও কাংস্থপাত্র ব্যবহার নিষিদ্ধ। এই সময়ে মোনব্রত অবলম্বন বিধেয়। মোনী হইয়া থাকিলে মাসের শেষে ঘণ্টা দান, পাত্রে ভোজন দ্রব্য করিলে মাসের শেষে ঘৃতপূর্ণ কাংস্থপাত্র দান, ভূমিশয্যা ব্রত করিলে শেষে শ্রাদ্ধ, ফলত্যাগ করিলে ফলদান, ধান্যত্যাগ করিলে ধান্য বা ধেনু দান করা বিধেয়। দেবাদিগৃহে ঘৃতপ্রদীপ দান অবশ্য কর্তব্য এবং সকল দান হইতে এই দান শ্রেষ্ঠ। মাঘমাসে সূর্য্য কিঞ্চিৎ প্রকাশিত হইলে স্নান করিবে। এইরূপে প্রতিদিন স্নান কুন্দিয়া সামর্থ্যানুরূপ নির্মল সকল অবলম্বন করিবে। এইমাসে ব্রাহ্মণ সন্ন্যাসী ও তপস্বীদিগকে পক্কান্ন, লাড়ু, ফেনিকা ও মত্থস্থি ঘৃতপক্ক মিষ্টদ্রব্য ভোজন করাইবে। শীত-নিবারণের জন্য শুষ্ক কাষ্ঠ দান, তুলাভরা জামা এবং সুন্দর গাত্রবস্ত্র, মঞ্জিষ্ঠারাগ্রস্রিত বস্ত্র, জাতীফল, লবঙ্গাদিযুক্ত তাম্বুল, বিচিত্র কমল, নির্ঝাঁত গৃহ, কোমল পাড়কা ও সুগন্ধি উদ্ভর্তন দান করা বিধেয়। দেবাগারে কৃষ্ণাগুরু প্রভৃতি উপহার দ্বারা পতিরূপী ভগবান্ প্রীতে হউন বলিয়া ভাষনা করিবে।

দেবপূজা করিবে। এইরূপ বিবিধ নিয়ম ও ব্রতের অনুষ্ঠান করিয়া, বৈশাখ, কার্তিক ও মাঘ এই তিনমাস অতিবাহিত করিবে।

ব্রহ্মবৈবর্ত পুরাণে লিখিত আছে যে, বিধবা প্রতিদিন দিনান্তে হবিষ্যন্ন ভোজন করিবে ও সর্বদা নিকামা হইবে। উৎকৃষ্ট বস্ত্র পরিধান, গন্ধদ্রব্য, সুগন্ধি তৈল, মালা, চন্দন, শঙ্খ, সিন্দূর ও ভূষণ বিশ্বাস্য পরিভ্রাজ্য। নিত্য মলিন বস্ত্র ধারণ করিয়া নারায়ণ নাম স্মরণ করাই তাহার কর্তব্য। বিধবা স্ত্রী ঐকান্তিক ভক্তিমতী হইয়া নিত্য নারায়ণ সেবা ও নারায়ণ নামোচ্চারণ ও পুরুষমাত্রকে ধর্ম্যতঃ পুত্রতুল্য দর্শন করিবে। বিধবার মিষ্টান্ন ভোজন বা অর্থসঞ্চয় করিতে নাই। তিনি একাদশী, শ্রীকৃষ্ণজন্মাষ্টমী, শ্রীরামনবমী ও শিব-চতুর্দশীতে নিরঙ্ক উপবাস করিয়া থাকিবেন। অঘোরা ও প্রেতা চতুর্দশী তিথিতে এনং চন্দ্র সূর্য গ্রহণকালে ভৃষ্ট দ্রব্য বিধবার পক্ষে নিষিদ্ধ। সুতরাং তদ্ব্যতীত অন্য বস্তু ভোজন করা বিধেয়। বিধবার পক্ষে তাবুল ও সুরা গোমাংসের তুল্য, সুতরাং ইহা বিপরিত্যাগ করিবে। রক্তশাক, মসুর, জম্বীর, পর্ণ ও বর্তুলাকার ফলাবুও নিষিদ্ধ। বিধবা পর্যাক্ষশায়িনী হইলে পতিকে পাতিত করে এবং যানারোহণ করিলে স্বয়ং নরকগামিনী হয়। সুতরাং ইহা পরিভ্রাণ করিবে। কেশসংস্কার, গাত্রসংস্কার, তৈলাভ্যঙ্গ, দর্পণে মুখদর্শন, পরপুরুষের মুখদর্শন, যাত্রা, স্নাত্য, মহোৎসব, নৃত্যকারী গায়ক এবং সুবেশসম্পন্ন পুরুষকে কদাপি দর্শন করিবে না। সর্বদা ধর্ম্যকথা শ্রবণ করিয়া দিন অতিবাহিত করিবে। (ব্রহ্মবৈবর্তপুরাণ শ্রীকৃষ্ণজন্ম স্কণ্ড ৮৩ অঃ)

“মৃতে ভর্তৃরি সাধবী স্ত্রী ব্রহ্মচার্য্যে ব্যবস্থিতা।

স্বর্গং গচ্ছত্যপুত্রাপি যথাক্তে ব্রহ্মচারিণঃ।”

(বিষ্ণুসংহিতা ২/১১৭)

স্বামীর মৃত্যুর পর স্বাধবী স্ত্রী ব্রহ্মচর্যা ব্রতাবলম্বন করিয়া অবসর করিবেন, যদি পুত্রবতী না হয় তাহা হইলেও এক ব্রহ্মচর্যপ্রভাবে স্বর্গে গমন করিয়া থাকেন।

শিখ্যা তর্ক পরিত্যাগ করিয়া বলুন দেখি উপরোক্ত ধর্ম-সংক্রান্ত আদর্শ বর্ণনা বৈধব্য-দশার নিত্য জীবনে সর্বত্র পালন হয় কি? তদ্বিষয়ে সন্দেহ থাকিলে তাহার উৎপত্তি কোথায়?

“A word to the wise is enough”

অর্থাৎ প্রজ্ঞাবানদিগকে একটি কথা বলিলেই যথেষ্ট।

বি। তপস্তার দ্বারা ভোগাভিলাষ নষ্ট হইতে পারে।

স্ব। বিশ্বকোষ, সপ্তম ভাগ ৫৫৩ পৃষ্ঠায় লিখিত তপঃ তিন প্রকার, শারীরিক, বাচিক ও মানসিক। দেব, দ্বিজ ও প্রাজ্ঞগণের পূজা, শৌচ, ঋজুতা, ব্রহ্মচর্যা ও অহিংসা এই কয়টি শারীরিক তপঃ। হিত ও প্রিয়, সত্য, অমূল্যবাক্য বা কথ্য ও স্বাধঃসাত্যাস (বিধি পূর্বক বেদাধ্যয়ন) এই কয়টি বাচিক তপঃ। মনঃ-প্রসাদ, সৌম্যত্ব, মোন, আত্মনিগ্রহ ও ভাব-শুদ্ধি এই কয়টি মানসিক তপঃ। এই তপঃ আবার তিন প্রকার সাত্ত্বিক, রাজসিক ও তামসিক। পাতঞ্জল নির্দেশ করিয়াছেন যে, কায়িক বাচিক ও মানসিক এই ত্রিবিধ কষ্টের সাধন দ্বারা কলাকাজ্জল শূন্য হইয়া ক্রিয়াযোগে প্রবৃত্ত হওয়ার নাম তপস্তা। ~~তাহা~~ যদি আপনাকে জ্ঞানলোকদিগকে শিক্ষা দিতে পারেন, তবে অবশ্যই তাহা স্বাধা বিষয়। কিন্তু তাহা কি শিক্ষা দেওয়া হয়? অবিবাহিত কয়টি বাচিকা বিদ্যালয়ে পাঠ্য্যাস করে?

আমরা যখন তখন কবির উক্তি ব্যবহার করি যথঃ
 “কন্যাপোষং পালনীয়ম্ শিক্ষনীয়ম্ স্বতন্ত্রম্” “সুদাতার
 সুশিক্ষায় সুশীল সন্তান”।

“ Woman's cause is man's, they rise or sink
 Together, dwarfed or godlike bound or free.”

Tennyson.

অর্থাৎ মহিলার পক্ষ মানবজাতির পক্ষ, একত্রে তাহারা
 ভাসিয়া উঠে অথবা তলায় পড়ে। খর্বাকৃতি অথবা দেববৎ,
 হাত পা বাঁধা অবস্থায় অথবা মুক্ত। টেনিসন্।

কিন্তু আমরা কার্য্যতঃ কি তাহা করি ?

বি। আজ কাল কুমারীদেরই বর পাওয়া যায় না, তাহার উপর
 আবার বিধবাবিবাহের হুজুক তুলিয়াছেন।

স্ব। কুমারীদের বিবাহ সহজেই হইতে পারে ;—আপনারা যদি
 চেষ্টা করিয়া বরের পণটা উঠাইয়া দিতে ~~ঈর্ষানন্দ~~ কাষস্থ
 পত্রিকার অষ্টম বর্ষীয় প্রথম সংখ্যায় “কন্যাদায়” প্রবন্ধে
 শ্রীযুক্ত বাবু সারদাচরণ মিত্র লিখিয়াছেন “মেয়ের গহনা
 আর গহনার নামে চলে না, ওজন দেওয়া আবশ্যিক অথবা
 ঘটগীরা গায় গহনার ওজন ফর্দ লইয়া না গেলে বরকর্তার
 ভীতি হয় না, গৃহিণীর নাম করিয়া তিনি ভদ্রতার পথে কাটা
 দেন। তাহার উপর নগদ টাকা, যাহাকে আমরা বরপণ
 বলিতেছি ~~নব্বই~~ সমাজ কতদিন এরূপে চলিবেক ?

কাষস্থ সভা নিয়ম করিতেছেন, আট বৎসর চৌচাটেচি
 করিতেছেন। তাহার পূর্বেও অনেক বৎসর এই পৈশাচিক
 ব্যবহারের আন্দোলন হইতেছে, কিন্তু কলে ও কিছু বিশেষ

দেখা যায় না। অনেকেই বুঝিয়াও বুঝেন না, মুখে বক্তৃতা করিয়া কান্সের বেলা লোভপরতন্ত্র হন। অনেকে গ্রহণীর দোহাই-দেন; আবার তৃতীয় শ্রেণীর সজ্জনগণ tit for tat পুছেন—আমি মেয়ের বিবাহে এত দিয়াছি, আমার ছেলের বিবাহে এত দিতে হইবে, আমি কেন ছেলের বিবাহে লইব না? ওজরের অভাব দেখিতে পাই না। যাঁহারা বড়ই ভদ্র তাঁহারা বড় মানুষের মেয়েকে গৃহলক্ষ্মী করিতে চাহেন,—যেন এত দাও তত দাও না বলিতে হয়।”

শ্রী। পণ উঠাইয়া দিবার জন্য আপনারা কি চেষ্টা করিতেছেন? আঙ্গুল উত্তোলনের মেহনৎটুকুও কি করেন?

স্ব। আমি চেষ্টা করি। সভাতে বলিয়া থাকি যে, বরপণ গ্রহণ করা অত্যন্ত অন্তায়। কিন্তু গৃহে আসিয়া ঘটক আমার পুত্রের জন্ত সম্বন্ধ আনিতে বলি, কন্তার সৌন্দর্য্য বা তাহার পিতার মান ন্যাশিদিদেখিব না। যে কন্তার পিতা অত্যধিক পণ দিতে পারিবে, তাহারই কন্তার সহিত আমার পুত্রের বিবাহ দিব।

শ্রী। গত লোকসংখ্যা-গণনায় টের পাওয়া যায়, যদি প্রত্যেক পুরুষের এক একটা কুমারীর সহিত বিবাহ দেওয়া হয়, তাহা হইলে দুই লক্ষের অধিক কন্তা অবিবাহিতা থাকিব। তাহার উপর আবার বিধবাবিবাহ হইলে অবিবাহিতা কুমারীর সংখ্যা আরও বাড়িবে। তাহার প্রতিকার কি?

স্ব। জনৈক স্বপক্ষ বক্তা ১৯০১ সালের লোকসংখ্যা গণনা হইতে উদ্ধৃত করিয়া দেখাইয়াছেন যে যদি কেবলমাত্র বাঙ্গালার কায়স্থদিগের মধ্যে বিবাহ যোগ্য পুরুষের সংখ্যা বিবাহযোগ্য পাত্রীর সংখ্যা অপেক্ষা অল্প তাহা সে ব্যক্তির ভ্রমসঙ্কুল

তর্ক । বাংলাদেশে (১০) দশ বৎসর বয়ঃক্রমের নিম্নে আটাত্তর হাজার চারি শত সাতটি ৭৮৪-৭ শালিকা বিধবা আছে । তাহাদিগকে তপস্বী শিক্ষা করানি প্রায়ই অসম্ভব কারণ তপস্বীর আয়োজন করিতে হইলে সর্বপ্রথমে প্রত্যেক গৃহকে তপোবন করা আবশ্যক এবং ইহার অধিবাসী তপস্বী ও তপস্বিনী হওয়া কর্তব্য । আরও কেহ কেহ বলেন বহু বিবাহ একটি প্রতিকার ।

বি । অনেকে সংসার খরচের ভয়ে একটীও বিবাহ করিতে চাহে না, তাহার উপর আবার বহু-বিবাহ করিবে কি প্রকারে ?

স্ব । যাহাদের সামর্থ্য আছে, তাহারাই বহু-বিবাহ করুক ।

বি । একদা এক বিখ্যাত পণ্ডিতকে এক প্রসিদ্ধ কবিরাজ বিধবা-বিবাহ সংক্রান্ত তর্ক করিবার জন্য আহ্বান করিয়াছিলেন। পণ্ডিত মহাশয় তথায় উপস্থিত হইলে কবিরাজ মহাশয় তাঁহাকে এক একটী বারকোসের উপরে সিঁধা পাঠাইয়া দেন । বারকোসগুলি পণ্ডিত মহাশয় নামাইয়া দেখেন যে, একটী বারকোসের উপর একটী নূতন মাটির হাঁড়ী সরাবদ্ধ ছিল । পণ্ডিত মহাশয় সরা খুলিতে বলেন, দেখিবেন, হাঁড়ীর মধ্যে একটা মাথা-কাটা বড় গোসাপ পুড়িয়া রহিয়াছে । হাঁড়ীর ভিতর রক্তময় । দেখিবামাত্র তিনি অত্যন্ত বিরক্ত ও কুপিত হইলেন । তর্কের সময় বৈকালে নির্ধারিত ছিল ; পণ্ডিত মহাশয় আহারাদি করিয়া তর্ক করিতে যাইবেন । বৈকালে তিনি তথায় উপস্থিত হইলেন এবং বিরাজের সহিত কবিরাজ মহাশয়কে জিজ্ঞাসা করিলেন যে, কাটা গোসাপ পাঠাইয়া তাঁহার কি আতিথ্য করা

হইল। কবিরাজ মহাশয় বলিলেন যে, তিনি কোন অন্তায় কাজ করেন নাই। পুরাকালে গোসাপ খাইবার প্রথা ছিল। পূর্বকালে বিধবাবিবাহ প্রথাও ছিল। তৎপরে ঐ প্রথা রহিত হয়। যখন পণ্ডিত মহাশয় সেই প্রথা প্রচলিত করিবার ক্ষমতা চেষ্টা করিতেছেন, তখন গোসাপ আহার করা পূর্বকালের প্রথা তাঁহার পক্ষে প্রচলিত করা অসংগত নহে। পণ্ডিত মহাশয় তর্ক না করিয়া সে স্থান হইতে প্রস্থান করিলেন।

২। ক্রোধে লোক দ্রষ্ট হয় ক্রোধে হয় পাপ
অক্রোধের সম পুণ্য নাহিক সংসারে।
সর্ব ধর্ম্মে ধার্ম্মিক যে ক্রোধকে সংবরে ॥
শতক বৎসর তপ করে যেই জন।
অক্রোধী সহিত সম নহে কদাচন ॥

(৩ কানীয়াস দাসের মহাভারত আদিপর্ব
দেবযানীর উপাখ্যান।)

“শুক্র কহিলেন, যিনি অত্যাচারিত ব্যক্তি কর্তৃক নিন্দিত হইয়া নিন্দাবাক্য সহ্য করেন, দেবযানি! তুমি জানিবে যে, তাহাতেই তাঁহার এই সমস্ত জগৎ জয় করা হয়। যিনি উত্তেজিত ক্রোধকে নিগৃহীত অশ্বের স্তায় নিগ্রহ করেন, তিনিই সাধুগণ কর্তৃক সারথি বলিয়া উক্ত হন, প্রত্যুত অশ্বের রাশ্মিমাত্র অবলম্বন করিলেই যে তিনি সারথি বলিয়া উক্ত হন এমত নহে। যিনি ক্ষমা দ্বারা সন্মুদিত ক্রোধ নিবৃত্ত করেন, দেবযানি! তুমি জানিবে যে, তাহাতেই তাঁহার এই সমস্ত জগৎ জয় করা হয়। যিনি সপের

নির্মোক্ষপরিভ্যাগের ভাষা ক্ষমা দ্বারা সমুৎপন্ন ক্রোধকে পরিভ্যাগ করেন, তিনিই পুরুষ বলিয়া উক্ত হন। যিনি ক্রোধকে সংযত করেন ও কেহ নিন্দা করিলে যিনি তাহা সহ করেন এবং স্বয়ং সন্তুষ্ট হইলেও অন্তর্কে তাপিত না করেন, তিনিই পুরুষার্থের ভাজন। যিনি অপরাধশ্রান্ত হইয়া শত বর্ষ কাল মাসে মাসে যোগক্রিয়া করেন আর যিনি সর্বপ্রাণীতে ক্রোধশূন্য হন, এ উভয়ের মধ্যে অক্রোধন ব্যক্তিই শ্রেষ্ঠ।”

(কালীপ্রসন্ন সিংহের মহাভারত আদিপর্ব
সম্ভবপর্বে উনাশীতম অধ্যায়।)

ক্রোধ বশতঃ পণ্ডিত মহাশয় হতবুদ্ধি হইয়া উত্তর দিতে পারিলেন না। কবিরাজ মহাশয়ের কথার উত্তর যথেষ্ট ছিল। পণ্ডিত মহাশয় বলিতে পারিতেন যে কবিরাজ মহাশয়, আজ জানিলাম, আপনিও একজন সমাজ-সংস্কারক। আমি এক বিষয় পুনঃ প্রচলিত করিতে প্রবৃত্ত হইয়াছি, আপনিও খাড়া বিষয়ে পূর্ব প্রথা প্রচলন করিতে উদ্যত। অতএব আমরা উভয়েই সমাজ-সংস্কারক। আজ হইতে আমরা স্থিরসংকল্প বন্ধ হইলাম।

বি। একটি গৃহস্থ জ্বীলোককে মিলের শাড়ী ও হাতে কাচের চুড়ী ব্যতীত তাহার স্বামী কিছু দিতে অক্ষম। যদি সেই জ্বীলোক এক জন বেথাকে পাশী শাড়ী ও স্বর্ণ-অলঙ্কারে ভূষিত দেবে, তাহা হইলে তাহার কি ইচ্ছা হয়, আমিও তাহার ভাষা হই?

খ. অলঙ্কার ইত্যাদি বাহ্যিক, কিন্তু ইন্দ্রিয়ভোগের অভিলାষ আভ্যন্তরীণ। বাহ্যিক ও আভ্যন্তরীণের তুলনা হইতে পারে না। যেমন আহাৰ ও পান জীবনধারণের জন্য আবশ্যিক, পাশী শাড়ী ও স্বর্ণ-অলঙ্কার সেরূপ নহে। এক জন আরমানী ব্যাণ্ঠার বলিতেছিলেন যে, তাঁহার স্ত্রী একদিন রাত্ৰায় ঘাইবার সময়ে দেখিলেন, একটা অল্পবয়স্কা সঙ্গশজাত বালিকা রাত্ৰার ধারে বসিয়া পান বিক্রয় করিতেছে। তিনি বালিকার নিকট ঘাইয়া বলিলেন, “দেখিতেছি তুমি অল্পবয়স্কা সঙ্গশীয়া বালিকা, তুমি রাত্ৰার ধারে বসিয়া পান বিক্রয় করিতেছ কেন?” সে উত্তর করিল, “আমার দুঃখের কথা আপনাকে আর কি বলিব! আমি ১১ বৎসর বয়সে বিধবা হই। তৎপরে আমাকে মন্দলোকে কুপথ গমনে প্রবৃত্ত করে; সুতরাং আমার মাতৃকুল, পিতৃকুল ও স্বশুরকুল আমাকে তাড়িয়া দেয়। আমার বয়স এখন ১৩ বৎসর। জঠর-জ্বালা নিবারণের জন্য দিনে পান বিক্রয় করি ও রাতে বেস্তাবৃত্তি করি।” মেম সাহেব বলিলেন, “তুমি আমার বাড়ীতে আসিবে?” সে বলিল, “আমি এখনি আপনার সঙ্গে ঘাইব। আমার এ পাপজনক উপায়ে জীবন যাপন করিবার কিছুমাত্র ইচ্ছা নাই।” তিনি বৃথা অনুসারে তাহাকে আপন গৃহে লইয়া গেলেন। এই দুঃখের কাহিনী শুনিয়া এক জন বিরোধী ব্যক্তি ব্যাণ্ঠারকে জিজ্ঞাসা করিলেন, “আপনারা কি তাহাকে বাইবেল পড়াইবেন?” ব্যাণ্ঠার মঙ্গলময় বলিলেন, “তাহাতে ক্ষতি কি? সে ভ্রান্তিচ্যুত হইয়াছে, আপনারা আর তাহাকে ক্রিয়াকর্ম্মে নিমগ্ন করিয়া

পরিজনগণের সহিত এক পংক্তিতে আঁহার করিবেন না,
আপনাদের হিন্দু সমাজে যখন তাহার আর কেহাও স্থান
নাই, তখন আর ও কথায় কাজ কি ?”

“ Nor light the recompense, when they will hear
Melt at the melancholy tale and drop
In pity drop, the sympathising tear”

Aeschylus Prometheus, 637 (Dr. Ramage 8
Beautiful Thoughts from Greek Authors.)

অর্থাৎ সামান্য প্রতিদান নহে—যখন যাহারা শোকাবহ
আখ্যায়িকা শ্রবণ করিয়া দ্রবীভূত হয় এবং দুঃখে ও
মনঃকণ্ঠে সহানুভূতির অশ্রুবিন্দু বিন্দু বিন্দু পাত করে।
এসকাইলান্স প্রমেথিউস।

বি। সধবা দ্বীলোকও কখন কখন কুপথগামিনী হয়।

স্ব। বালিকা বিধবার পুনর্ব্বার বিবাহ না দেওয়ার ইহা যুক্তিসঙ্গত
তর্ক নহে। যে বিধবা কুপথগামিনী হয় তাহার মার্জ্জনা
হইতে পারে, কিন্তু সধবার পক্ষে নহে। সেহলে যাহারা
তপস্যা নির্দেশ করেন সেই সধবাকে তাহারা দীক্ষা দি।
ঋষাঙ্গ, দ্রোণাচার্য্য, শকুন্তলা, ইত্যাদির জীবন বৃত্তান্ত
পাঠ করুন।

বি। হিন্দু দ্বীলোকের দ্বিতীয়বার বিবাহ করিতে অনিচ্ছুক এবং
একটি বিবাহ তাহারা সর্বপ্রথমে সময়ে প্রতিবাদ করিবেন।
আমরা একটি মন্দির ভাঙ্গিয়া উহাকে ইন্দ্রিয় স্তব্ধের বাসগৃহ
করিতে পারি না।

১। মিথ্যা, পাপ দেয় আর বলে মিথ্যা বাণী । -

তার প্রহারের কত কহিব কাহিনী ॥

প্রতপ্ত সাঁড়াসি দিয়া জিহ্বা লয় কাড়ি ।

মাথার উপর মারে ডাগসের বাড়ি ॥

* * * * *

মিথ্যা সাক্ষ্য দেয় যেই সভামধ্যে বসি ।

তার জিহ্বা টানে দিয়া জলন্ত সাঁড়াসি ॥

তার পূর্বপুরুষেরা ভুঞ্জে সেই পাপ ।

চিরকাল পাপ ভুঞ্জে পায় বড় তাপ ॥

(৬ কৃত্তিবাসের রামায়ণ, উত্তর কাণ্ড,

ষম-রাবণের যুদ্ধ ।)

আপনারা কয়জন বিধবাকে জিজ্ঞাসা করিয়াছিলেন যাহারা দ্বিতীয়বার বিবাহ করিতে অনিচ্ছুক এবং তাহাদের আর্থিক অবস্থাই বা কি? কখন কখন অর্থশালিনী বিধবা পোষ্যপুত্র গ্রহণ বিষয়ে স্বামীর অনুমতি সত্ত্বেও পোষ্যপুত্র লয় না। কারণ পোষ্যপুত্র গ্রহণ করিলে বিধবার স্বামীর বিষয়ে পোষ্যপুত্রই অধিকারী হয় এবং পোষ্যপুত্রগ্রহণকারিণীকে কেবলমাত্র গ্রাসাচ্ছাদনের স্বত্ত্ব বর্তায়। স্বামীর বিষয়ে উত্তরাধিকারিণী বিধবা দ্বিতীয়বার বিবাহ করিলে যে স্বামীর তাক্ত সম্পত্তি হইতে বঞ্চিত হইবে তাহা সে জানে। এরূপ অবস্থাপন্ন বিধবার দ্বিতীয়বার বিবাহে অনিচ্ছা হওয়া আশ্চর্যের বিষয় নহে! কিন্তু যে স্থলে স্বামী কোন সম্পত্তি রাখিয়া গেলেন নাই এবং তাহার গ্রাসাচ্ছাদনের কোন উপায় নাই এরূপ অবস্থাপন্ন স্ত্রীলোক দ্বিতীয়বার বিবাহ করিতে কি অনিচ্ছুক? ১৮৫৬ সালের ২৫ এপ্রিল জারি হইলে পর অনেক শ্রেষ্ঠ বিধবা

অবিবাহিতা বালিকাদিগের ত্রায় শাড়ী ও অঙ্কার পারিয়ার ছিল
ও বলিত, আমাদের পুনর্বার বিবাহ হইবে। ইহা আপনারা
যদি তদন্ত করিতে চান, শেষোক্ত বুদ্ধ স্ত্রীলোকদিগকে জিজ্ঞাসা
করিলে এবং তৎকালীন বার্তাবহ পাঠ করিলে অর্ন্তগত হইতে
পারেন।

তৎকালীন শেষোক্ত শ্রেণীর স্ত্রীলোকদিগের মনের ভাব
“বিদ্যাসাগর পেড়ে” শাস্তিপুরে কাপড়ে নিম্নলিখিত গীতটীতে প্রকাশিত
হইয়াছিল। ঐ বস্ত্র অনেকেই আগ্রহাতিশয্যে অধিক মূল্য দিয়া
ক্রয় করিত।

সুখে থাক বিদ্যাসাগর চিরজীবী হোয়ে।

সদরে করেছ রিপোর্ট বিধবাদের হবে বিয়ে ॥

কবে হবে শুভদিন প্রকাশিবে এ আইন

দেশে দেশে জেলায় জেলায় বেরোবে ভকুম,

বিধবা রমণীর বিয়ে লেগে যাবে ধুম,

মনের সুখে থাকবো মোরা মনের মত পতি লয়ে ॥

এমন দিন কবে হবে

বৈধব্য যন্ত্রণা যাবে

আভরণ পরিব সবে

লোকে দেখবে তাই

আলোচন কুঁচকলা

মালবার মুখে দিয়ে ছাই

এয়ো হয়ে যাব সবে বরণ ডালা মাথায় লয়ে ॥

আর ভগ্ন মন্দিরের কথা যাহা উল্লেখ করিয়াছেন, সেই মন্দিরের
বর্ণনা এক লেখক মত সংগ্রহ করিয়া লিখিয়াছেন “তুমি রূপালী ভার্য্যা
নইয়া দিবা নিশি আমোদে আত্মহারা হইয়া থাকিবে, আর তোমার
হোট কল্লা দ্বা ভগিনী দৈব হর্ষিপাকে পুতিহীনাবলিয়া অহরহঃ

অপরিমিত বিরহে জর্জরীভূত হইয়া চক্ষের উপর তোমার আনন্দ প্রমোদের স্মৃধুর নীলাতরঙ্গ দেখিয়া স্বীয় চরিত্র কি অক্ষুণ্ণ রাখিতে পারিবে? স্মরণ্য তাহাকে অধঃপাতে না প্রেরণ করিয়া, জীবনকে মধুময় করিবার জন্য বিবাহদানে একটা পথ পরিষ্কার করিয়া দেওয়া কি সমাজের কর্তব্য নহে?”

এতদ্ব্যতীত মন্দিরের চূড়ান্ত বর্ণনা উদারচেতা বিদগ্ধমণ্ডলী যাহা লিখিয়াছেন, তাহা পরিশিষ্টে সন্নিবেশিত করা হইয়াছে, পড়িয়া দেখুন।

রঙ্গমঞ্চে যাহারা বিধবা বিবাহ নিবারণের সভা করিয়া বক্তৃতা করেন তাহাদিগের এইটুকু বিবেচনা করিয়া অনুসন্ধান করা উচিত যে তাহাদিগের সভাভঙ্গের পর রাত্রে নর্তকীগণ আসিয়া সেই রঙ্গমঞ্চ উপরে নৃত্যগীতাদি করে। তাহারা কে? সূধবা, বিধবা না বিধবার কন্যা? নিন্দার স্থানে যে সকল স্ত্রীলোক বাস করে তাহারা ই বা কে? পুরুষের কল্লিত আদর্শ নারী বা বিধবা মন-মুগ্ধকর হয় বটে, কিন্তু গার্হস্থ আশ্রমাবলম্বী এবং প্রবন্ধ লেখকের আত্মীয় বন্ধুবর্গ তাহার যথার্থ অর্থ বুঝিয়া প্রকৃত মূল্য স্থির করেন। বিধবা বিবাহ নিবারণ সম্বন্ধীয় মিথ্যা বক্তৃতা ও প্রবন্ধ যদিও আইনে দণ্ডনীয় নহে, কিন্তু সর্বজ্ঞ ভগবানের নিকট তাহার বিচার হইবে। বক্তার আত্মগ্লানি ভাব উদয় হয় কি না তাহা তিনিই জানেন কারণ “মনের অগোচর পাপ নাই”।

CONSCIENCE

“Thus conscience does make coward of us all;
And thus the native hue of resolution
Is sicklied o’er with the pale-cast of thought;
And enterprizes of great pith and moment,

With this regard, their currents turn awry
And lose the name of action,"

Shakespeare Hamlet Act III Scene I.

(His Soliloquy)

অর্থাৎ এইরূপে বিবেক আমাদেরকে কাপুরুষ করে এবং
এইরূপে সংকল্পের স্বাভাবিক বর্গ বা চিন্তার মূল ছাঁচ দ্বারা
দাক্ষিণ্য হয় ; মহৎ শক্তি ও গুরুতর ব্যাপার; এই সূক্ষ্মের
সহিত, তাহাদের প্রবাহ বক্রভাবে ফিরায় এবং কর্মের নাম
হারায় । সেসকলপিয়ার হেমলেট ।

"Trust that man in nothing,

Who has not a conscience in everything."

Sterne—Tristram Shandy, Vol II

Chap XVII and Sermon 27.

অর্থাৎ যাহার প্রত্যেক বিষয়ে বিবেক নাই একরূপ লোককে
কোন কিছুর জন্ত নির্ভর করিও না ।

ষ্টার্ণে—ট্রিস্ট্রাম স্ট্যান্ডি

বি। বিধবারা দ্বিতীয়বার বিবাহ করিবার জন্ত কি তাহারা তাহা-
দের আত্মীয়বর্গকে বলে ?

স্ব। অবিবাহিতা কন্তারা যদিও জানে যে, তাহাদের গুরুজন তাহা-
দের বিবাহ দিবেন ; তথাপি তাহাদিগকে বলে না যে, আমা-
দের বিবাহ দাও । বিধবারা জানে যে হিন্দু সমাজে তাহাদের
দ্বিতীয়বার বিবাহপ্রথা নাই । সে স্থলে তাহারা কোন্
জজায় তাহাদিগকে অভিব্যক্ত করিবে যে আমাদের
বিবাহ দাও ?

বি। কন্যাকে সম্প্রদান করার পর সে স্বস্তুরের গোহে যাইল, আর সম্প্রদানের পর তাহার পিতার আর তাহার উপর হস্তক্ষেপ করিবার ক্ষমতা থাকে না।

স্ব। ১৮৫৬ সালের ১৫ এক্টের সপ্তম ধারায় নির্ধারিত করা হইয়াছে যে, যে-বালিকার বিবাহ সহবাস দ্বারা দাম্পত্য সম্বন্ধের দৃঢ়ীকৃত হয় নাই, তাহার পিতার, তাহার অবিদ্যমানে পিতামহের, পিতামহের অবিদ্যমানে মাতার, ইহাদের অবিদ্যমানে তাহার জ্যেষ্ঠ ভ্রাতার, এবং তাহার অবিদ্যমানে অন্য ভ্রাতৃগণের, তাহাদিগের অবিদ্যমানে নিকট পুরুষ আত্মীয়ের সম্মতিতে বিবাহ করিতে পারে। যত্বপি বিধবা বয়ঃপ্রাপ্ত হইয়া থাকে, অথবা যাহার বিবাহ সহবাস দ্বারা দাম্পত্য সম্বন্ধের দৃঢ়ীকৃত হইয়াছে, সেস্থলে তাহার নিজের সম্মতিতেই পুনর্বিবাহ আইন সঙ্গত ও বৈধ। যখন আমাদের দেশের রাজা একরূপ আইন প্রণীত করিয়াছেন, তখন গোত্র ও সম্প্রদানের তর্ক চলিতে পারে না।

বি। আপনারা কি বিধবার বর পাইবেন?

স্ব। পাওয়া না পাওয়া ঈশ্বরপ্রাধীন, তবে যাহারা বিধবা-বিবাহের পক্ষপাতী, আমরা কেবলমাত্র তাহাদের সহানুভূতি প্রকাশ করি। আমরা তাহাদিগকে ঘৃণার চক্ষে দেখি না। এ সমস্ত তর্কবিতর্ক পরিশেষে কার্যিক মিতব্যয় সম্বন্ধীয় বিষয়; দূর ভবিষ্যতে মীমাংসা হইবে।

বি। একরূপ অবস্থায় ছুচারিট বিধবার হুঁজে কাঁদিয়া যাহারা এই অনিষ্ট ঘটাইতে চাহেন, তাহারা বুদ্ধিমান নহেন।

২। গত ১৯০১ সালের সেনসাস রিপোর্ট হইতে জানা যায় যে, ১৫ হইতে ৪০ বৎসর বয়সের বিধবা, হিন্দুদের মধ্যে শতকরা ১৬ জন, এবং মুসলমানদিগের মধ্যে শতকরা ১২ জন। হিন্দুদিগের মধ্যে বিধবা-বিবাহ প্রচলিত না থাকায়, অনেক রমণী—যাঁহারা বিধবা না হইলে অথবা পুনর্বিবাহ হইলে অনেকগুলি সন্তানের জননী হইতে পারিতেন, তাঁহারা—নিঃসন্তান থাকেন। এই কারণ মুসলমানদিগের মধ্যে বিধবা-বিবাহ প্রচলিত থাকায় হিন্দুদের মধ্যে জনসংখ্যা মুসলমানদিগের অপেক্ষা কম। (বঙ্গদর্শন, দশমবর্ষ, নব পর্যায় তৃতীয় সংখ্যা ১৪৫ পৃঃ)

বিজ্ঞানাগর মহাশয় বিধবা-বিবাহ বিচারের উপসংহারে বলিয়া গিয়াছেন :—“আর আপনারা ইহাও বিবেচনা করিয়া দেখুন যে, আমাদের দেশের আচার একেবারেই অপরিবর্তনীয় নহে। ইহা কেহই প্রতিপন্ন করিতে পারিবেন না যে, সৃষ্টিকালাবধি আমাদের দেশে আচার-পরিবর্তন হয় নাই। এক আচারই পূর্বাপর চলিয়া আসিতেছে। অনুসন্ধান করিয়া দেখিলে আমাদের দেশের আচার পদে পদে পরিবর্তিত হইয়া আসিয়াছে। পূর্বকালে এ দেশে চারিবারের ঘেরাপ আচার ছিল, এক্ষণকার আচারের সঙ্গে তুলনা করিয়া দেখিলে ভারতবর্ষের ইদানীন্তন লোকদিগকে এক বিভিন্ন জাতি বলিয়া প্রতীতি জন্মে”।

মহর্ষি যমু চতুর্বারের পৃথক পৃথক কর্ম কল নির্দেশ করিয়াছেন যথা “অধ্যাপন, অধ্যয়ন, যজন, যাজন, দান ও প্রতীগ্রহ এই ছয়টি কর্ম তিনি ব্রাহ্মণদিগের জন্য নির্দেশ

করাছিলেন। প্রজারক্ষণ, দান, যজ্ঞ, অধ্যয়ন, ভোগাসক্তির পরিবর্তন এই কয়েকটি কৰ্ম তিনি ক্ষত্রিয়গণের জন্ত সংক্ষেপতঃ নির্দেশ করিলেন। পশুরক্ষণ, দান, যজ্ঞ, অধ্যয়ন, বাণিজ্য, বৃদ্ধির জন্ত ধন প্রয়োগ এবং কৃষিকৰ্ম তিনি বৈশ্যদিগের জন্ত ব্যবস্থা করিলেন। এবং অক্ষুণ্ণচিত্তে উপরোক্ত তিন বর্ণের যো কলা শূদ্রগণের প্রধান কর্তব্য, ইহা ব্রহ্মা নির্দেশ করিলেন”—মনুসংহিতা, প্রথম অধ্যায়।

এক্ষণে জীবনার্থ সংগ্রাম এত কষ্টকর যে মনুর নির্দেশ পালন করা দুঃকর হইয়াছে। ইহাও সাময়িক পরিবর্তন। বিদ্যাসাগর মহাশয় ইহাই লক্ষ্য করিয়া বলিয়াছিলেন।

বি। গৃহস্থের সাংসারিক কার্যে বিধবার দ্বারায় অনেক সাহায্য হয়।

স্ব। ইহা অতিশয় স্বার্থপর তর্ক হইতেছে। মাসে দুই বার নির্জলা একাদশী পালন করিতে হয়। এতদ্ব্যতীত তাহার সংসারের বিবাহের কোন প্রকার স্ত্রী-আচারাди কৰ্মে স্পর্শ করিতে বা উপস্থিত থাকিতে পারে না। সে সময় অন্ততঃ দুঃখিতভাবে তাহাঙ্গিকে থাকিতে হয়।

কি। স্ত্রীলোক কয়বার বিবাহ করিবে ?

স্ব। যদি ৬০।৭০ বৎসরের পুরুষ স্ত্রীবিয়োগান্তে দ্বিতীয়, তৃতীয়বার পাণিগ্রহণ করিতে পারে, সে স্থলে স্ত্রীলোকও প্রতিবিয়োগান্তে দ্বিতীয়বার বিবাহ করিতে কেন না পারিবে ?

বি। যখন স্ত্রীলোক জানে তাহার স্বামীর মৃত্যু পর তাহার দ্বিতীয় বার বিবাহ হইবে না, তখন সে স্বামীকে অত্যন্ত যত্ন ও স্নেহ করে। দ্বিতীয়বার বিবাহ হইবে জানিলে সে বিদ্রোহ লাঘব হইবে।



স্ব। ব্রাহ্ম, ক্রিষ্টিান, মুসলমান, ইহুদীদের ভিতর দ্বিতীয়বার বিবাহ প্রচলিত আছে। তাহাদের স্ত্রীরা হিন্দু স্ত্রীদের তায় স্বামী-দের যত্ন ও মেহ করে।

বি। “পূর্বে সামাজিক ব্যাপারে উচ্ছৃঙ্খলতা ঘটিলে রাজা মধ্যস্থ থাকিয়া সমাজ ধর্ম রক্ষা করিত। একটা সুমৌমাংসা করিয়া দিতেন। এক্ষণে কিন্তু তাহার সুবিধা নাই। বর্তমান শাসক-সম্প্রদায় ভারতীয় ধর্ম বা সামাজিক ব্যাপারে হস্তার্পণ করিতে ভীত হইলেন।”

স্ব। আমাদের রাজা ১৮৫৬ সালের ১৫ এপ্রিলের দ্বারা হিন্দু বিধবাদের পুনর্বিবাহের প্রতিবন্ধকতা অপসারিত করিয়াছেন। বিধবা দ্বিতীয় বিবাহ করিলে স্বামীর তত্ত্ব সম্পত্তি হইতে বঞ্চিত হয়, কিন্তু পঞ্চম ধারার অনুযায়ী তাহার আর সমস্ত স্বত্ব রক্ষিত হইয়াছে। আর গুরুদাস বন্দ্যোপাধ্যায় তাহার “হিন্দু বিবাহ এবং স্ত্রীধন” পুস্তকের দ্বিতীয় সংস্করণে ১২৮ পৃষ্ঠায় লিখিয়াছেন যে, বিধবার দ্বিতীয় বিবাহ সাগাই প্রথা মতে যেখানে প্রচলিত আছে, তাহা তথ্য এবং আইন সম্মত। এবং ২৩৫ পৃষ্ঠায় লেখেন—ছোটনাগপুরের কোন কোন শ্রেণীর ভিতর, পশ্চিমে যুক্ত প্রদেশে, জাঠদিগের ভিতর এবং মোদিনীপুরের নমঃশূদ্রদের ভিতর বিধবার বিবাহ প্রথা আছে। এবং সম্প্রতি জেলা মুর্শিদাবাদ হইতে এক মোকদ্দমায় স্থির হইয়াছে যে, যে হিন্দু সমাজে সাগাই বিবাহ প্রচলিত আছে, তথায় স্বামী স্ত্রীকে পরিত্যাগ করিলে স্ত্রী পূর্ব-স্বামীর জীবদশায় দ্বিতীয় বার স্বামী গ্রহণ করিতে পারে এবং তজ্জন্ত দণ্ডনীয় হইতে পারে না।

এ একটী পরিণিষ্টে দেখুন।

বিধবাবিবাহ নিবারণী সভা সমাহত ও বক্তাগণ আমাদের দেশের রাজার প্রচলিত বিধানের বিরুদ্ধাচরণ করিতেছেন, কারণ আইন বিধিবদ্ধ হইবার পূর্বে তর্ক বিতর্ক ভাষ্য এবং করা হইয়াছিল। এক্ষণে রাজতন্ত্র প্রজাগণের রাজার মত অবগত হইয়া তাহার প্রতিকূলে কার্য্য করা যুক্তিযুক্ত নহে। তবে বিপক্ষতা দণ্ডনীয় নহে। ইহাই কি ধরিয়া লইতে হইবে যে, আমাদের রাজা যেখানে বিধানে দণ্ডের উল্লেখ করেন নাই, তথায় আমরা বিরুদ্ধাচরণ করিব, যেমন পূর্বকালে সহমরণ এবং চড়ক পূজায় বাণ ফোঁড়া ও বড়সীতে দোলা প্রথা ছিল, কিন্তু গবর্ণমেন্ট আইন জারির দ্বারা নিষেধ করিয়া তাহার দণ্ড ব্যবস্থা করিয়াছেন। শিশুদিগকে শাস্তি দ্বারা সংশোধিত করা হয়, বিবেচক পূর্ণবয়স্ক পুরুষদিগের জন্য তাহা নহে। যে দেশে লোকদিগকে দণ্ড দ্বারায় শাসন করিতে হয়, তথায় তাহাদের জাতীয় উন্নতি বা শিক্ষা অত্যন্ত কম। তাহারা কৃতাপরাধ জাতি বা উপজাতি বলিয়া আহুত হয়।

প্রজা ভূত্যের সদৃশ তিন শ্রেণীতে বিভক্ত। শ্রেষ্ঠ, যে ভূত্য প্রভুর অভিপ্রায় বুঝিতে পারিয়া কার্য্য করে। মধ্যম, প্রভুর অনুমতি পাইয়া তদ্রূপ কর্ম্ম করে। নিকৃষ্ট, প্রভুর আজ্ঞা সত্ত্বেও তাহার বিরুদ্ধাচরণ করে। আমাদের দেশের রাজা বিধবাবিবাহ অবশ্য সম্পাদ্য করেন নাই, প্রজাদের স্বৈচ্ছাধীন করিয়াছেন। তবে তাঁহার অভিপ্রায় নয় যে, যে প্রজা আপনার ইচ্ছা সহানুভূতি প্রকাশ বা বিধবাবিবাহে সাহচর্য্য অথবা সে বিধবাবিবাহ করিলে, অন্য প্রজারা তাহাকে সমাজচ্যুতি করিবার প্রয়াস করুক। ইহাই একটী রাজদ্রোহিতার লক্ষণ।

আপনারা কুন্তকর্ণের তায় নিদ্রিত, রাবণ সেই নিদ্রাতুরে
জাগরিত করিবার জন্য অন্তান্ত উপায়ের সহিত অনুপদ চেষ্টা
করিয়াছিলেন,—

লঙ্কার ভিতর হইতে আনহু কামিনী ॥

শোয়াও সে সবাকারে কুন্তকর্ণ পাশে ।

আপনি জাগিবে বীর নারীর পরশে ॥

এত বলি সব বীর ধাইল সত্বর ।

বিজ্ঞাধরী তুল্যা নারী আনিল বিস্তর ॥

তাহারা গুইল কুন্তকর্ণের আসনে ।

সর্বাস্ত করিল তার লেপন চন্দনে ॥

তার পাশে কত সব করে আলিঙ্গন ।

অতি সুশীতল লাগে কতাপরশন ॥

একে কুন্তকর্ণ তাহে জ্বীগণ পাইয়া ।

পাশ ফিরি শোয় বীর অঙ্গ মোড়া দিয়া ॥

(৩কৃষ্ণবাসের রামায়ণ লঙ্কাকাণ্ড কুন্তকর্ণের নিদ্রাভঙ্গ ও

রাবণের সহিত কথোপকথন ।)

“সমগ্রাং বশগাং কুর্যাং পৃথিবীং নাত্র সংশয়ঃ ।

বহুবো বিনয়াদ্ভ্রষ্টা রাজানঃ সপরিচ্ছদাঃ ॥

বল্লভাশ্চৈব রাজ্যানি বিনয়াং প্রতিপেদিরে ।

যৎস্রপুঃ ১৮৯ অঃ।

অর্থাৎ বিনয়গুণে সমস্ত পৃথিবী বশীভূত করা যায়, তাহাতে সন্দেহ
নাই ; অবিনয় হেতু বহু রাজা বান্ধবভ্রষ্ট হইয়াছেন ; আবার বিনয়গুণে
বনবাসী ব্যক্তিগণও বহুরাজ্য লাভ করিয়াছেন ; সুতরাং বিনয়
সাধারণ জিনিস নহে ।

“Utatur motu animi, qui uti, ratione non potest” Lat
 “Let him be guided by his passions who can make no use
 of his reason.” “Fools may be impelled by their passions,
 but the man of reason is left without excuse.

(New Dictionary of Quotations Published by John.

F. Shaw & Co. in 1878.)

অর্থাৎ যে নিজের বিচারশক্তিকে ব্যবহার করিতে পারে না,
 তাহাকে ক্রোধের দ্বারা চালিত হইতে দাও। নির্বোধ ব্যক্তির
 ক্রোধেরদ্বারা তাড়িত হইতে পারে, কিন্তু জ্ঞানী ব্যক্তির ওজর না
 পাইয়া অসহায় পরিত্যক্ত অবস্থায় থাকে।

“It is time new hopes should animate the world.

New light should run from new revealings.”

Browning,

অর্থাৎ নব মনোভাব মানব-সমাজকে অনুপ্রাণিত করিবার সময়
 হইয়াছে। নব ব্রহ্মোদ্ভেদ হইতে নব জ্যোতিঃ প্রকাশ হওয়া উচিত।

ব্রাউনিং ।

বি। কিন্তু “সামাজিক পীড়নের ভয়” ভাবিতে হইলে পথ-প্রদর্শকের আবশ্যক। সেই জন্য আমরা বলিতেছি, যে নৃসিং রাজভক্ত নেতৃবর্গের গৃহে বিধবা ভগিনী, কি বিধবা ভ্রাতৃজায়া, কি বিধবা কন্যা আছেন, তাঁহারা আর কালকিল্ম না করিয়া যেন উহাদের জন্য পতি সংগ্রহ করিয়া দেন, কিম্বা যাহাদের বিধবা কন্যা বা ভগিনী পত্যস্তম্ গ্রহণের পর পুনরায় পতি হারাইয়াছে, কি বিধবা কন্যার বা ভগিনীর নবপতি তাহাকে গ্রহণ করিতে চাহিতেছে না, তাহারা আপনাপন কন্যা বা ভগিনীকে আবার নূতন পতি জোটাইয়া দিন। যদি রাজভক্ত নেতৃবর্গ এইরূপ আদর্শ স্থল বা পথ-প্রদর্শক হইতে পারেন, তাহা হইলে বঙ্গ মহাশয়ের রাজভক্তি সদ্ব্যকীর উপদেশ যে বিশেষ কার্য্যকারী হইবে তাহাতে আর তিলমাত্র সন্দেহ নাস্তি।

খ। এইটি বিদ্রূপ-পূর্ণ পরামর্শ হইতে পারে, লেখকের মনোভাব ব্যক্তিতে পাঠা যায় না, তিনি বিধবা বিবাহের অপক্ষ যদি হন তাহা হইলে তাঁহার প্রথম কার্য্য, যে ব্রাহ্মণ ও কায়স্থ বিধবা কন্যার বিবাহ দিয়াছেন তাহাদিগকে প্রশংসা করা এবং যাহারা বিপক্ষ তাহাদিগকেও পরামর্শ দিয়া ক্ষান্ত করা আবশ্যক। কারণ তাঁহাদিগের গৃহে “বিধবা ভগ্নি, কি বিধবা ভ্রাতৃজায়া, কি বিধবা কন্যা” থাকিতে পারে। লেখকের নব-সংবাদ “বিধবা কন্যার বা ভগিনীর নবপতি তাহাকে গ্রহণ করিতে চাহিতেছে না”; ইহা সত্য কি মিথ্যা তিনিই জানেন। ইহা বঙ্গালিয়-সম্বন্ধীয় বাক্যাভিধার হইতে পারে, সংবাদ প্রভেদে স্থান পাইতে পারে না।

বি। বর্তমান হিন্দু বিধবা বিবাহ আইনে, বিবাহিতা কুমারী, যাহার সহস্রাব্দ দ্বারা দাম্পত্য সম্বন্ধের দৃঢ়ীকরণ হয় নাই ও যে বিধবার পুত্র কন্যা হইয়াছে উভয়কেই পুনর্বিবাহ করিবার অধিকার দেওয়া হইয়াছে। আপনারা যদি গবর্ণমেন্টকে প্রার্থনা করিয়া শেষোক্ত স্ত্রীলোকদিগের পুনর্বিবাহ সম্বন্ধে অসুখ্য করিতে পারেন, তাহা হইলে প্রথমোক্ত বালিকাদিগের পুনর্বিবাহের উৎসাহ দিতে পারি; নতুবা শেষোক্ত বিধবাদিগকেও প্রত্নয় দেওয়া হইবেক।

স্ব। জানি না আপনারা সহর কি পল্লীগ্রামে কোন অর্থহীন নিঃসহায় বিধবাকে একটি শিশু কোলে লইয়া ও দুই একটি পুত্র কন্যার হাত ধরিয়া গৃহস্থের দ্বারে দ্বারে ভিক্ষা করিতে দেখিয়াছেন কি না; সে বিধবা ভরণ পোষণের জন্য পল্লীগ্রামে গমন করিলে তাহার দুঃখের উপশম হয়, ইহা নিন্দনীয় নহে।

বি।- বিধবা বিবাহ সমাজে প্রচলিত হইলে আইনমতে দাম্পত্য-বিচ্ছেদ লইয়া আদালতের কার্য বাড়িবে এবং বিধবারা স্বৈচ্ছাচারিনী হইয়া বিবাহ করিবে।

স্ব। বঙ্কিমচন্দ্র চট্টোপাধ্যায় তাঁহার সাম্য প্রবন্ধে ৬৩ পৃষ্ঠায় হাই-কোর্টের মকদ্দমা সংক্রান্ত বর্ণনায় লেখেন “প্রধান প্রধান সংবাদপত্র, “হা সত্যীত্ব! কোথায় গেলি” বনিয়া ইংরাজিবাংলা-সুরে রোদন করিয়া, “ওরে চাঁদা দে!” বলিয়া ডাকিতে লাগিলেন।” বঙ্কিম বাবু যে মকদ্দমার উল্লেখ করিয়াছেন সে মামলাটির নাম কেবল কলিটানি (প্রতিবাদী) মনিরাম কলিটা (বাদী) এবং বেঙ্গল ল রিপোর্ট ১৩ ভলিউমে প্রথম পৃষ্ঠায় বর্ণিত আছে। যাহারা ঐ মজীরের কুফল আশঙ্কী করিয়াছিলেন

তাহাদের স্বারণা কার্যতঃ ঘটিয়াছে কি? আর গুরুদাস বন্দোপাধ্যায়ের হিন্দু বিবাহ ও স্ত্রীধন পুস্তকের ২৩৫ পৃষ্ঠায় উল্লিখিত মকদ্দমা পাঠ করিয়া বুঝা যায় যেখানে হিন্দুদের ভিতর বিধবাবিবাহ প্রচলিত আছে সেখানে দাম্পত্য বিচ্ছেদের জন্য আদালতের আশ্রয় লইতে হয় না। পরিত্যক্তা স্ত্রী পুনরায় পুনর্বিবাহ করিতে পারে। ভারতীয় দাম্পত্য বিচ্ছেদ আইন ভারতবর্ষবাসী খ্রীষ্ট-ধর্মাবলম্বীর প্রতিই প্রযোজ্য, অন্য ধর্ম-সম্প্রদায়ের জন্য নহে।

ପରିଶିଷ୍ଟ ।

বিধবা-বিবাহ সম্বন্ধে .

জন কয়েক বিজ্ঞ বাঙ্গালীর মত ।

—**—

হা ভারতবর্ষীয় মানবগণ ! আর কত কাল তোমরা মোহনিদ্রায় অভিভূত হইয়া প্রমাদশয্যায় শয়ন করিয়া থাকিবে ? একবার জ্ঞান-চক্ষু উন্মীলন করিয়া দেখ, তোমাদের পুণ্যভূমি ভারতবর্ষ ব্যভিচার-দোষের ও ভ্রূণহত্যা-পাপের স্রোতে উচ্ছলিত হইয়া যাইতেছে ! আর কেন, যথেষ্ট হইয়াছে ; অতঃপর নিবিষ্টচিত্তে শাস্ত্রের যথার্থ তাৎপর্য ও যথার্থ মর্ম্ম অনুধাবনে মনোনিবেশ কর এবং তদনুষ্ঠানে প্রবৃত্ত হও ; তাহা হইলেই স্বদেশের কলঙ্ক নিবারণ করিতে পারিবে । কিন্তু দুর্ভাগ্যক্রমে তোমরা চিরসঞ্চিত কুসংস্কারের ঘোরপু বশীভূত হইয়া আছ, দেশাচারের ঘোরপ দাস হইয়া আছ, তাহাতে একপ প্রত্যাশা করা যাইতে পারে না যে, তোমরা ইষ্ঠাৎ কুসংস্কার বিসর্জন, দেশাচারের আনুগত্য পরিত্যাগ ও সঙ্কলিত ঈর্ষাকৃতিক রক্ষাব্রতের উদ্যাপন করিয়া যথার্থ সংপথের পথিক হইতে পারিবে । অভ্যাসদোষে তোমাদের বুদ্ধিবৃত্তি ও ধর্ম্মপ্রবৃত্তি সকল একপ কলুষিত হইয়া গিয়াছে ও অভিভূত হইয়া আছে যে, হতভাগ্য বিধবাদিগের দুর্ব্বস্থা দর্শনে তোমাদের চিরন্তন নীরস হৃদয়ে কাকুণ্ডী ঘূসের সঞ্চার হওয়া কঠিন ; এবং ব্যভিচার-দোষের ও ভ্রূণহত্যা-পাপের প্রবল স্রোতে দেশ উচ্ছলিত হইতে দেখিয়াও তোমাদের মনে ঘৃণার উদয় হওয়া অসম্ভাবিত । তোমারা প্রাণতুল্যা কত প্রভৃতিকে

অসহ বৈধব্য-যন্ত্রণামূল দগ্ধ করিতে সম্মত আছি, তাহারা দুর্নিবার
 বিপুল বশীভূত হইয়া ব্যভিচারদোষে দূষিত হইলে তাহার পোষকতা
 করিতে সম্মত আছি, ধর্মলোপভয়ে জলাঞ্জলি দিয়া কেবল লোক-
 লজ্জাভয়ে তাহাদের জগহত্কার সহায়তা করিয়া স্বয়ং সপরিবারে
 পাপগন্ধে কলঙ্কিত হইতে সম্মত আছি, কিন্তু কি আশ্চর্য্য ! শাস্ত্রের
 বিধি অবলম্বন পূর্ব্বক তাহাদের পুনরায় বিবাহ দিয়া তাহাদিগকে
 দুঃসহ বৈধব্যযন্ত্রণা হইতে পরিত্রাণ করিতে এবং আপনাদিগকেও
 সকল বিপদ হইতে মুক্ত করিতে সম্মত নহ। তোমরা
 মনে কর, পতিবিয়োগ হইলেই স্ত্রীজাতির শরীর পাষণ্ড হইয়া
 যায়, দুঃখ আর দুঃখ বোধ হয় না, যন্ত্রণা যন্ত্রণা বোধ হয় না,
 দুর্জয় বিপুল সকল এক কালে নির্মূল হইয়া যায়। কিন্তু তোমাদের
 এই সিদ্ধান্ত যে নিতান্ত ভ্রান্তিমূলক, পদে পদে তাহার উল্লেখ
 প্রাপ্ত হইতেছে। ভাবিয়া দেখ, এই অনবধান দোষে সংসারতরুর
 কি বিষময় ফল ভোগ করিতেছে ? হায় কি পরিতাপের বিষয় !
 যে দেশের পুরুষ জাতির দয়া নাই, ধর্ম নাই, জ্ঞান অজ্ঞান বিচার নাই,
 হিতাহিত বোধ নাই, সদসদ বিবেচনা নাই, কেবল লৌকিক রক্ষাই
 প্রধান কর্ম ও পরম ধর্ম, আর যেন সে দেশে হতভাগ্য অবলাজাতি
 জন্ম গ্রহণ না করে !

হা অবলাগণ ! তোমরা কি পাপে ভারতবর্ষে আসিয়া জন্মগ্রহণ
 কর বলিতে পারি না !.....

হা ভারতবর্ষ, তুমি কি হতভাগ্য ! তুমি তোমার পূর্ব্বতন সন্তান-
 গণের আচারবশত পুণ্যভূমি বলিয়া সর্বত্র পরিচিত হইয়াছিলে,
 কিন্তু তোমার ইদানীন্তন সন্তানেরা যেচ্ছানুসঙ্গ আচার অবলম্বন
 করিয়া তোমাকে যে রূপ পুণ্যভূমি করিয়া তুলিয়াছেন, তাহা ভাবিয়া

দেখিলে সৰ্ব শরীরের শোণিত শুক হইয়া যায় । কতকালে তোমার
দুঃখ মোচন হইবেক, তোমার বর্তমান অন্ধা দেখিয়া তাবিয়া
হিন্ন করা যায় না ।

ঈশ্বরচন্দ্র বিদ্যাসাগর ।

(বিধবা-বিবাহ-বিষয়ক প্রস্তাব)

বাহাদুরের দুঃখ দেখিয়া দয়ার উদ্বেক হয় না ও পাতক দেখিয়া
অশ্রুকার আবির্ভাব হয় না, এ বিষয়ে তাঁহাদের পরামর্শ জিজ্ঞাসা
করিবার প্রয়োজন নাই । বাহার কিছু মাত্রও হিতাহিত বোধ আছে
ও বাহার অন্তঃকরণে কস্মিন্ কালোঁ কারুণ্য রসের সঞ্চার হয়, তাঁহাকেই
জিজ্ঞাসা করি “বিধবা-বিবাহ প্রচলিত হওয়া উচিত কি না ?”
যিনি কোন নব-বিধবা তরুণী স্ত্রীকে সন্তোম্বৃত প্রিয়পতির শোকমোহে
মুহুমানা, ধরাভলে লুপ্তমানা ও অহর্নিশ রোরুদমানা দর্শন করিয়া
কাতর হইয়াছেন, তাঁহাকেই জিজ্ঞাসা করি “বিধবা-বিবাহ প্রচলিত
হওয়া উচিত কি না ?” যিনি দেখিয়াছেন, যে সাধবী রমণী মাসদ্বয়
পূর্বে স্বামী-সমাদরে মানিনী ও গৌরবিনী বলিয়া স্ত্রীজনের নিকট
প্রসিদ্ধ ছিল, সেই স্ত্রী মাসদ্বয় পরে একান্ত অনাথা ও নিতান্ত সহায়-
হীনা হইয়া স্বীনভাবে শীর্ণশরীরে সাশ্রনয়নে দিনপাত করিতেছে এবং
স্বামী সম্পর্কীয়ে বিদেষণী রমণীগণ কর্তৃক নানা প্রকারে নিগৃহীত
ও পরিবারস্থ দাসদাসীগণ কর্তৃক উপেক্ষিত ও অশ্রদ্ধিত হইয়া,
কাতর স্বরে প্রতিবেশীদের দয়ার্দ্র হৃদয় বিদীর্ণ করিতেছে, তাঁহাকেই
জিজ্ঞাসা করি “বিধবা-বিবাহ প্রচলিত হওয়া উচিত কি না ?”

অক্ষয়কুমার দত্ত

(ভারতবর্ষীয় উপাসক সম্প্রদায়, উপক্রমণিকা) ।

আমরা বলিব বিধবা-বিবাহ ভালও নহে মন্দও নহে ; সকল
 বিধবার বিবাহ হওয়া কদাচ ভাল নহে ; তবে বিধবাগণের ইচ্ছামত
 বিবাহে অধিকার থাকা ভাল । যে স্ত্রী সাধবী, পূৰ্ব পতিকে আন্তরিক
 ভাল বাসিয়াছিল, সে কখনই পুনরবার পরিণয় করিতে ইচ্ছা করে না ।
 যে জাতিগণের মধ্যে বিধবা-বিবাহ প্রচলিত আছে, সে সকল জাতির
 মধ্যেও পবিত্র-স্বভাব-বিশিষ্টা স্নেহময়ী সাধবীগণ বিধবা হইলে
 কদাপি আর বিবাহ করে না । কিন্তু যদি কোন বিধবা—হিন্দুই হউন
 আর যে জাতীয়াই হউন পতির লোকান্তর পরে পুনঃ পরিণয়ে
 ইচ্ছাবতী হইয়েন, তবে তিনি অবশ্য তাহাতে অধিকারিনী ।

.....আর একটি কথা আছে,—অনেকে
 মনে করেন যে, চির বৈধব্য-বন্ধনে হিন্দুমহিলাগণের পাতিত্রত্য
 এরূপ দৃঢ়বদ্ধ যে, তাহার অন্তর্থা কামনা করা বিধেয় নহে । হিন্দু-স্ত্রী
 মাঝেই জানেন যে, এই এক স্বামীর সঙ্গে সঙ্গে তাহার সকল সুখ
 হইবে, অতএব তিনি স্বামীর প্রতি অনন্ত ভক্তিমতী । এই সম্প্র-
 দায়ের লোকের বিবেচনায় এই জন্তই হিন্দুগৃহে দাম্পত্য-সুখের এত
 আধিক্য । কথাটি সত্য বলিয়াই না হয় স্বীকার করিলাম । যদি তাই
 হয়, তবে নিয়মটি এক তরফা রাখ কেন ? বিধবার চিরবৈধব্য যদি
 সমাজের মঙ্গলকর হয়, তবে মৃতভার্য্য পুরুষের চিরপত্নীহীনতা
 বিধান কর না কেন ? তুমি মরিলে তোমার স্ত্রীর স্বীয় গতি নাই,
 এজন্য তোমার স্ত্রী অধিকতর প্রেমশালিনী ; সেইরূপ তোমার স্ত্রী
 মরিলে তোমারও আর গতি হইবে না, যদি এমন নিয়ম হয়, তবে
 তুমিও অধিকতর প্রেমশালী হইবে, এবং দাম্পত্য-সুখ গার্হস্থ্যসুখ
 দ্বিগুণ বৃদ্ধি হইবে । কিন্তু তোমার বেলা সে নিয়ম খাটে না কেন ?
 কেবল অবলা স্ত্রীর বেলা সে নিয়ম কেন ?.....

জীর্ণশেষ বিষয়াধিকার সম্বন্ধে একটি কোতূহলবহ ব্যাপার মনে
 পড়িল। কয় বৎসর পূর্বে হাইকোর্টে একটি মোকদ্দমা হইয়া
 গিয়াছে। বিচার্য বিষয় এই—অসতী জী বিষয়াধিকারিণী হইতে পারে
 কি না? বিচারক অস্বস্তি করিলেন—পারে। উনিয়া দেশে হুঁহুল
 পড়িয়া গেল! যা! এতকালে হিন্দু জীর সতীধর্ম লুপ্ত হইল।
 আর কেহ সতীধর্ম রক্ষা করিবে না। বাঙ্গালী সমাজ পয়সা খরচ
 করিতে চাহে না—রাজাঙ্গা নহিলে চাঁদায় সহি করে না, কিন্তু এ
 লাঠি এমনই মর্দন্থলে বাজিয়াছিল যে, হিন্দুগণ আপনা হইতেই
 চাঁদাতে সহি করিয়া প্রিতি কাউন্সিলে আপিল করিতে উদ্যত।
 প্রধান প্রধান সংবাদপত্র “হা সতীধর্ম কোথায় গেলি” বলিয়া ইংরাজি
 বাঙ্গালী সুরে রোদন করিয়া “ওরে চাঁদা দে” বলিয়া ডাকিতে
 লাগিলেন। শেষটা কি হইয়াছে জানি না, কেননা দেশী সংবাদ-
 পত্রপাঠ সুরে আমরা ইচ্ছাক্রমে বঞ্চিত। কিন্তু যাহাই হউক যাহারা
 এই বিচার অতি ভয়ঙ্কর ব্যাপার মনে করিয়াছিলেন, তাহাদিগকে
 একটি কথা স্মারাদিগের জিজ্ঞাস্ত আছে। স্বীকার করি অসতী জীর
 বিষয়ে বঞ্চিত হওয়াই উচিত, তাহা হইলে অসতীত্ব পাপ বড় শাসিত,
 অথচ, কিন্তু সেই সঙ্গে আর একটি বিধান হইলে ভাল হয় না? যে
 লম্পট পুরুষ অথবা যে পুরুষ পত্নী ভিন্ন অন্য নারীর সংসর্গ করিয়াছে।
 সে ও বিষয়াধিকারে অক্ষম হইবে। বিষয়ে বঞ্চিত হইবার ভয়
 দেখাইয়া জীদিগকে সতী করিতে চাও,—সেই ভয় দেখাইয়া পুরুষ-
 গণকে সংপথে রাখিতে চাও না কেন? ধর্মলব্ধা জী বিষয় পাইবে না,
 ধর্মলব্ধ পুরুষ বিব্রী পাইবে কেন? ধর্মলব্ধ পুরুষ—দে লম্পট,—যে
 চোর, যে মিথ্যাবাদী, যে মদ্যপানী, যে কৃতঘ্ন, সে সকলই বিষয়
 পাইবে, কেননা সে পুরুষ; কেবল অসতী বিষয় পাইবে না,

কেননা সে স্ত্রী ! ইহা যদি ধর্মশাস্ত্র, তবে অধর্মশাস্ত্র কি ?
ইহা যদি আইন, তবে বেআইন কি ? এই আইন বক্ষার্থ চাঁদা
শোনা যদি দেশবাসিন্য, তবে মহাপাতক কেমন তর ?

(“সাম্য”।)

• বঙ্কিমচন্দ্র চট্টোপাধ্যায় ।

কটালগীড়া সঙ্গদর্শন যন্ত্রালয়ে শ্রীরামনাথ বন্দ্যোপাধ্যায়

কর্তৃক মুদ্রিত ও প্রকাশিত ।

১৮৭৯

“That the re-marriage of widows in Vedic times was a national custom can be easily established by a variety of proofs and arguments ; the very fact of the Sanskrit language having, from ancient times, such words as “Didhishu”, a man that has married a widow, “Parapurva”, a woman that has taken a second husband, and “Paunarbhava”, a son of a woman by her second husband, are enough to establish it.”

Dr. Rajendra Lall Mittra's.

Indo-Aryans. Vol. II. P. 155.

Early marriage and child-marriage were still unknown in the epic period. Widow-marriage was not only not prohibited, but there is distinct sanction for it ; and the rites which the widow had to perform before she entered into the married life again, are distinctly laid down.

As caste was still a pliable institution, men belonging to one caste not unoften married widows of another, and Brahmans married widows of other castes without any scruple.

“And when a woman has had ten former husbands, not Brahmans, if a Brahman then marries her, it is he alone who is her husband.”

(Atharva Veda V. 17. 8.)

Romesh Ch. Dutt.

(Ancient India.) P. 184.

Widows were not prohibited from marrying again in the Pauranic age.

Ramesh Ch. Dutt.,
(Ancient India.) P. 784.

Vedas—

It remains only to allude to one more remarkable verse of the 18th. hymn which distinctly sanctions the marriage of widows.

“Rise up, woman, thou art lying by one whose life is gone; come come to the world of the living away from thy husband, and become the wife of him who grasps thy hand, and is willing to marry thee.” (x. 18. 8)

Dr. Rajendra Lall Mitra's
Indo-Aryans, Vol. II, P. 123.

Smriti—

Manu is indignant against widow marriage. But nevertheless we are told of husbands of re-married women (III. 166) and of sons of re-married widows (III. 155, 181. IX 169, 175, 176) virgin widows were expressly permitted to remarry (IX. 69) such a widow is worthy to perform with her second husband the nuptial ceremony (IX 69, 176.)

Gautam and *Vasista* recognise sons of widows.

ব্যবস্থাপক কোর্সেল ।

ইংরাজী ১৮৫৬ সাল ২৬ জুলাই ।

ব্যবস্থাপক কোর্সেলের জারীকরা নীচের লিখিত আইন ভারত-বর্ষের ত্রীযুক্ত রাইট অনরেবল গবর্নর—জেনারল বাহাদুর ইংরাজী ১৮৫৬ সালের ২৫ জুলাই তারিখে মঞ্জুর করেন তাহা সর্বসাধারণ লোককে জানাইবার নিমিত্তে ইহাতে প্রকাশ করা যাইতেছে ।

ইংরাজী ১৮৫৬ সাল ১৫ জুলাই ।

হিন্দু বিধবাদের বিবাহের আইন-বর্ত্তিত সকল বাধা রহিত করিবার

আইন ।

[হেতুবাদ ।]

কোম্পানি বাহ্যবাহুর অধিকৃত ও শাসিত দেশের মধ্যে স্থাপিত দেওয়ানী আদালতে আইনের কার্য্য যেনপে নিকাহ হইতেছে তদনুসারে কোন কোন স্থল ছাড়া, হিন্দু বিধবারা একবার বিবাহ হওয়া প্রযুক্ত দ্বিতীয়বার আইনসিদ্ধ বিবাহ সম্বন্ধ করিতে অপারক জ্ঞান হয়, আর ঐ বিধবাদের কোন বিবাহ হইলে যে সন্তানাদি জন্মে তাহারা জারজ ও সম্পত্তির অধিকার করিতে অপারক জ্ঞান হয়, এই কথা সকলেই জানে। আর আইন ঘটত সেই আরোপিত অক্ষমতা পূর্বস্থাপিত রীতানুযায়ী হইয়াও হিন্দুধর্মের বিধির প্রকৃত অর্থানুযায়ী নহে, অনেক হিন্দুলোক এইরূপ জ্ঞান করিয়া ইচ্ছা করিয়াছে যে, যে হিন্দুরা আপনাদের বিবেকসিদ্ধ বিচারমতে অন্য রীতিক্রমে কর্ম করিতে মনস্থ করিতে পারে তাহাদের বাধা বিচার আদালতের দেওয়ানী আইনমতে কার্য্য নিকাহ দ্বারা আর না হয়। আর সেধু সকল হিন্দুলোক আইন ঘটত এই যে অক্ষমতার বিষয়ে আন্দাজ করে তাহা হইতে তাহাদিগকে মুক্ত করা গিয়া বটে। আর হিন্দু বিধবাদের বিবাহের আইন ঘটত সকল বাধা রহিত হইল। সুনীতি ও সাধারণের মুসল বুদ্ধির সম্ভাবনা। এই এই হেতুতে নীচের লিখিত মতে হুকুম হইল।

[হিন্দু বিধবাদের বিবাহ আইন সিদ্ধ করা গেল ।]

১ ধারা : প্রীর পূর্ব বিবাহ হওয়া প্রযুক্ত, কিন্তু বিবাহ হওন কালে যে যুক্ত আছে এমত অন্য ব্যক্তির সঙ্গে পূর্বের বাগদান হইয়াছিল এই প্রযুক্ত হিন্দুদের মধ্যে কারি বিবাহ সম্বন্ধ অসিদ্ধ হইবেক না ও সেইরূপ বিবাহ হইলে যে সন্তানাদি জন্মে তাহারা জারজ

হইবেক না, কোন রীতি ও শাস্ত্রের যে কোন অর্থ করা যায় তাহা ইহার বিরুদ্ধ হইলেও হইবেক না। ইতি।

[মৃত স্বামীর সম্পত্তিতে বিধবার যে স্বত্ব হয় তাহা তাহার বিবাহেতে রহিত হইবেক ।]

২ ধারা। কোন বিধবার মৃত স্বামীর সম্পত্তিতে ভরণ পোষণার্থে কিম্বা তাহার স্বামীর কি স্বামী পুত্র পৌত্রাদি উত্তরাধিকারীদের উত্তরাধিকারিত্বক্রমে, কিম্বা যে উইলক্রমে তাহাকে বিবাহ করণের সম্পূর্ণ অনুমতি না হইয়া সেই সম্পত্তিতে কেবল নিয়ম নির্ধারিত সম্পর্ক দেওয়া যায় কিন্তু তাহা হস্তান্তর করিবার কোন ক্ষমতা দেওয়া যায় নাই এমন কোন উইল কি উইলের লিখিত আদেশক্রমে ঐ বিধবার যে সকল স্বত্ব ও সম্পর্ক থাকে তাহা তাহার বিবাহ হইলে তৎকালে মৃত হইবার স্থায় রহিত ও সমাপ্ত হইবে। ও তাহার মৃত স্বামীর তৎপরের উত্তরাধিকারীরা কিম্বা স্ত্রীর মরণে অন্য যে ব্যক্তিদের ঐ সম্পত্তিতে অধিকার থাকিত তাহারা সেই পুনর্বিবাহ কালে সম্পত্তির অধিকারী হইবেক ইতি।

বিধবার বিবাহ হইলে তাহার মৃত স্বামীর সন্তানাদির রক্ষণাবেক্ষণ।

৩ ধারা। হিন্দু বিধবার বিবাহ হইলে যদি তাহার মৃত স্বামীর উইলক্রমে কি উইলের লিখিত কোন আদেশক্রমে ঐ বিধবাকে কি অন্য ব্যক্তিকে আপন সন্তানাদির রক্ষক স্বরূপে সম্পূর্ণ নিযুক্ত না করা যায় তবে মৃত স্বামীর পিতা কি পিতামহ কিম্বা মাতা কি মাতামহী কিম্বা মৃত স্বামীর কোন পুত্র কিম্বা মৃত স্বামীর মরণকালে যে স্থানে বাস ছিল সেই স্থানে যেখানে প্রথম গুনিবার

যে অতি উচ্চ আদালতের এলাকা থাকে সেই আদালতে, দরখাস্ত করিতে পারিবে যে উক্ত সন্তানাদির রক্ষক স্বরূপে কোন উপযুক্ত ব্যক্তিকে নিযুক্ত করা যায়। তাহাতে উক্ত আদালত উচিত বোধ করিলে সেইরূপ রক্ষককে নিযুক্ত করিতে পারিবে না। আর সেই রক্ষক নিযুক্ত হইলে ঐ সন্তানাদির নাবালক কাল পর্য্যন্ত তাহাদের মাতার পরিবর্তে তাহাদের কোন কাহার রক্ষকতা ও তত্ত্বাবধানের কার্য করিতে সেই রক্ষকের অধিকার থাকিবে। আর সেইরূপ নিয়োগ করণেতে ঐ আদালত পিতৃমাতৃহীন বালকদের রক্ষণাবেক্ষণ বিষয়ের যে যে আইন ও বিধি চলন আছে তদনুসারে সাধ্যমতে কার্য করিবেন। পরন্তু যদি সেই সন্তানাদির নাবালককাল পর্য্যন্ত তাহাদের ভরণপোষণ ও উচিতমতে শিক্ষা দেওনের জন্তে তাহাদের নিজের প্রচুর সম্পত্তি না থাকে তবে সেইরূপ কোন নিয়োগ মাতার সম্মতি বিনা অন্য প্রকারে করা যাইবেক না কিন্তু যদি ঐ প্রস্তাবিত রক্ষক ঐ সন্তানাদির নাবালককাল পর্য্যন্ত তাহাদের ভরণপোষণের ও উচিত মতের শিক্ষা দেওনের জামিন দিয়া থাকে তবে নিযুক্ত হইতে পারিবেক ইতি।

[এই আইনের কোর্ন কথাতে সন্তানহীনা কোন বিধবা।
অধিকার করিতে ক্ষমতাপন্ন হইবেক না।)

৪ ধারা। কোন ব্যক্তি কিছু সম্পত্তি রাখিলে মরিলে তাহার মরণ সময়ে যে বিধবা সন্তানহীনা আছে সে যদি সন্তানহীনা হওয়া প্রযুক্ত এই আইন জারি হইবার পূর্বে ঐ সম্পত্তি অধিকার করিতে ক্ষমতাপন্ন হইত তবে এই আইনের কোর্ন কথাতে ঐ সম্পত্তির সমুদয় কি কোন অংশ অধিকার করিতে ক্ষমতাপন্ন হইবে তাহা একমত অর্থ করিতে হইবেক না। ইতি।

[পূর্বোক্ত তিন ধারার বিধানে স্থলছাড় বিবাহকারিণী
বিধবাদের স্বত্ব রক্ষা ।)

৫ ধারা । ইহার পূর্বের তিন ধারাতে যে যে বিধান হইয়াছে
তন্নিম্ন স্থলে বিধবার বিবাহ হওন প্রযুক্ত তাহার কোন সম্পত্তির
হানি হইবেক না কিম্বা বিবাহ না করিলে তাহার যে কোন স্বত্বের
অধিকার হইত তাহা লোপ হইবেক না । আর যে প্রত্যেক বিধ-
বার বিবাহ হইয়াছে সেই বিবাহ তাহার প্রথম বিবাহ হইলে তাহার
উত্তরাধিকারিত্বের যে স্বত্ব হইত স্বত্ব থাকিবেক ইতি ।

[যে সকল ক্রিয়াদিতে এইক্ষণে বিবাহ সিদ্ধ হয়
বিধবাবিবাহের কালে সেই সকল ক্রিয়াদির
সেই ফল হইবেক ।]

৬ ধারা । যে হিন্দু স্ত্রীর পূর্বে বিবাহ হয় নাই তাহার বিবাহ
কালে যে যে ক্রিয়াদি সম্পাদন কি যে যে নিয়ম করণে বিবাহ
সিদ্ধ হইবার জন্য প্রচুর হয় সেই সকল কথা প্রভৃতি হিন্দু বিধবার
বিবাহকালে করা গেলে কি সম্পাদন হইলে কি করা গেলে তাহার
সেই ফল হইবেক, আর ঐ কথা কি ক্রিয়াদি কি নিয়ম বিধবার প্রতি
লাগে না বলিয়া কোন বিবাহ অসিদ্ধ করা যাইবেক না । ইতি ।

[নাবালক বিধবার বিবাহ হইবার অনুমতি । এই
ধারার বিপরীতে বিবাহের সহকারীতা করিবার
দণ্ড । সেই বিবাহের ফল । বর্জিত বিধি ।]

৭ ধারা । যে বিধবার বিবাহ হইবে যদি নাবালক হয় ও
অসম্মত না হয় তবে তাহার পিতার অনুমতি কিম্বা পিতা

না থাকিলে পিতৃমহের কি পিতামহ না থাকিলে মাতার কি ইহাদের মধ্যে কেহ না থাকিলে তাহার জ্যেষ্ঠ ভ্রাতার কি ভ্রাতা না থাকিলে অত্র নিকট পুরুষ কুটুম্বের অনুমতি বিনা তাহার দ্বিতীয় বিবাহ হইবেক না। যে সকল লোক জানিয়া শুনিয়া এই ধারার বিধানের বিপরীতে বিবাহের সহকারী হয় তাহারা এক বৎসরের অনধিক কোন কাল পর্যন্ত কয়েদ হইবার কিম্বা জরিমানা দিবার কিম্বা ত্রি উভয় দণ্ডের যোগ্য হইবেক। আর এই ধারার বিধানের বিপরীতে যে সকল বিবাহ হয় তাহা আইনের আদালত অসিদ্ধ হইতে পারিবেন। পরন্তু এই ধারার বিধানের বিপরীতে হওয়া কিম্বা সন্দেহ সিদ্ধতার বিষয়ে কোন বিবাদ হইলে পূর্বোক্ত প্রকারের অনুমতি পাওয়া যায় নাই ইহার প্রমাণ যাবৎ না হয় তাবৎ অনুমতি পাওয়া গিয়াছিল জ্ঞান হইবেক আর সংসর্গ হইলে পর সেই প্রকারের কোন বিবাহ অসিদ্ধ কহা যাইবেক না। বিধবা পূর্ণ বয়স্কা হইলে কিম্বা পূর্ণ বয়স্কা হইবার পূর্ব বিবাহে স্বামিভুক্ত হইলে সেই বিধবা আপনি সম্মত হইলে তাহা তাহার পুনর্বিবাহ আইনসিদ্ধ ও স্থির করিবার প্রচুর অনুমতি হইবেক। ইতি

(Sd) ডবলিউ মর্গান। কোন্সেলের ক্লার্ক।
(Sd.) JOHN ROBINSON,
Bengalee Translator.